



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. III. An, & quomodo ob subreptionem vitientur Rescripta obtenta per simplicitatem vel ignorantiam?

[urn:nbn:de:hbz:466:1-61641](https://nbn-resolving.de/urn:nbn:de:hbz:466:1-61641)

ter non sint ipso jure irrita, ope tamen exceptionis ab adversario elidi possint c. si autem. 9. & c. plerumque 23. h. t. Cùm enim in casu rescripti beneficialis aut gratiosi, non sit pars, qua contra illud excipere possit, sit autem in casu rescripti ad lites, consequenter in illo casu, cessante provisione hominis, debuit providere lex, ne diu detineat beneficium illegitimè obtentum ille, qui per rescriptum subreptiè obtentum illud acquisivit, contrarium verò dicendum fuerat in casu rescripti subreptiè obtenti ad lites.

§. II.

*An & quomodo Rescripta siant ob-
reptitia, si per dolum sint im-
petrata?*

Si obreptio dolosa commissa sit in rescripto, sive tacetur verum, sive exprimat falsum (substantiale & essentiale) totum rescriptum, quo ad omnes partes in eo contentas sit irriatum (saltē ope exceptionis, si rescriptum ad lites fuerit) ita ut Judex in eo datus non debat, si ob- aut obreptio talis ei probata fuerit, vel notoria sit ex facti evidentiā, nec possit de causa Principali, ne quidem secundūm formam juris communis cognoscere, quamvis Princeps, si dolus non intervenisset, adhuc, saliem secundūm formam, & terminos juris communis rescripturus fuisset: prout habetur expressè in c. super litteris. 20. h. t. & patet etiam ex c. sedes. 15. & c. ex tenore, 16. h. t. (ne fraus sua alicui Patrocinetur) nisi obreptio talis per dolum commissa, nec substantiae rescripti ad lites obsit, quæ in jurisdictione delegata co*lisit*, in eis formæ

rescripti, quæ est ipse modus procedendi judicii delegato præscriptus, nec aliquius alterius, quod per se & intrinsecè ad causam commissam pertinet, causa fuerit, cùm ex fraude taliter commissa nullum commodum sentiat mendax prelator; vel nisi non tam impetrans, qui verum propositum, quād curialis seu sollicitator, aut scriptor fraudem commiserit, cùm in tali casu non impetrans, qui verum proposuit, in culpa sit, sed sollicitator talis; vel de veritate precum tantum, & articulo subreptionis cognoscat iudex in tali rescripto datus, quod facere potest.

§. III.

*An. & quomodo ob subreptionem
vitientur Rescripta obtenta per sim-
pliciter vel ignorantiam?*

Si subreptio non dolosa fuerit, sed ex simplicitate, vel ignorantia, etiam crassâ, fuerit commissa, sive per expressionem falsi, sive per suppressionem veri (substantialis & essentialis) contingit, rescriptum ad lites non redditur absolute irritum, si taciturnitas talis, aut talis falsitas non sit causa concessionis absolute, prout patet ex citato c. super litteris §. inter alios (nisi causa concessionis, hic & nunq per ignorantiam, aut simplicitatem tacitâ, vel falso expressâ, aliud quo ad substantiam rescupescit impetratur) hoc enim in casu, non tam attendendum est, quid Princeps auctoribus fuisset, si nulla veri suppressione, aut falsi expressio intervenisset, sed attenditur, quid egerit. Et hinc i. nullum esset (saltē ope exceptionis) rescriptum, si solutionem petens ex causa donationis &c. debitam,

bitam, ad solutionem hanc faciendam rescriptum impetrasset, petens ex simplicitate, aut per ignorantiam solutionem ex causâ mutui, cum tamen illa ex causâ donationis, venditionis, &c. debeatur. 2. Vitiatur totum rescriptum; si suppressio veri, aut expressio falsi causa sit confessionis rescripti quoad substantiam alterius ab eo, quod impetratum fuisset, si veritas expressa vel falsitas omissa fuisset, quamvis ex simplicitate, aut per ignorantiam subreptio illa commissa fuisset. Et 3. invalidum etiam est rescriptum tale, in quo impetrando commissa fuit ex simplicitate vel per ignorantiam subreptio, si à Principe V. G. contra sententiâ jam olim ab eo latam impetratum sit, & nulla hujus sententiæ jam olim latæ mentio in tali rescripto sit, prout patet, tum ex cit. c. super litteris, tum ex c. sum olim. 12. desent. Et re judic. & ex defectu voluntatis in concedente satis probatur.

§. IV.

An ob subreptionem, quæ contingit circa causam non finalē ac Principalem, sed impulsivam tantum, vitiuntur
Rescripta?

Probabilis est Rescriptum quodcunque sive ad lites illud sit, sive Gratiae, non esse subreptitium, nisi suppressio veritatis vel expressio falsitatis ad rem postulatam per se, & intrinsecè pertinentis contingat circa causam finalē, seu Principalem concessionis, non autem, si contingat tantum circa causam impulsivam, nisi stylus cutiæ vel jus veri expressionem specialiter requirat, ut sumitur ex

c. dudum. 14. §. nos igitur. de prebend. in 6. quod scilicet in illo calu, non autem in hoc deficiat voluntas concedentis, uti ex relato e. colligitur; & quamvis in omni rescripto, saltem tacite, sub intelligatur ea clausula: si preces veritate nitantur, intelligi tamen debet hæc clausula de veritate causæ motivæ, non autem causæ impulsivæ, cum illius veritas moveat, ad rem simpliciter concedendam, vel saltem ad rem certo modo, & cum certis restrictionibus, clausulis, limitationibus, &c. concedendam, non autem veritas hujus, quæ tantum moveare potest, ad facilius, citius, & liberalius, &c. rem quæ pertinet, concedendam. Colligi autem potest, quod expressa v. g. veritas in rescripto causa finalis sit, si in aliis rescriptis dependenter à tali causa expressa, res, quæ hic & nunc pertinet, concessa fuit, juxta stylum curiæ, & rescribentis consuetudinem; vel si sola & unica aliqua causa expressa fuerit; cum enim non rescribat Pontifex sine causa finali, consequenter, si unica tantum expressa sit, finalis ea esse debet; si vero plures in rescripto causæ positæ sunt, unica tamen tantum vera sit, quæ sola in aliis similibus rescriptis ad concedendum tale rescriptum sufficiens est, hæc unica causa finalis erit, cum pro valore actus, nemini præjudicantis, non tantum in hoc casu, sed in dubio etiam, ubi colligi non potest, utum finalis, an impulsiva causa tantum sit, præsumi debet; potest tamen etiam ex eo colligi, quod impulsiva tantum causa aliqua sit, si ad rem postulatam extrinsecè tantum, & mere accidentaliter se causa talis habeat.

§. V. An